



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 888. Usque Ad Annum 1000

Fleury, Claude

August. Vind. [u.a.], 1761

VD18 90117921

§. 15. Joannes XIII. restitutus

[urn:nbn:de:hbz:466:1-66313](https://nbn-resolving.org/urn:nbn:de:hbz:466:1-66313)

Sæculum X.
A. C. 966.
Historia Ecclesiæ Remensis in quatuor li-
bros divisa, atque ex Tabulariis, quorum
ipse Custos erat, ex Actis Martyrum a-
liorumque Sanctorum, ex Actis Conci-
liorum, ex Epistolis Pontificum aliisque
monumentis genuinis excerpta, ab illius
Ecclesiæ origine usque ad Auctoris tem-
pora deducitur, & cuidam Episcopo, quem
Kudolphum Laudunensem esse credunt,
inscripta est. Chronicum illa omnia
complectitur in singulos annos digesta,
quæ ipsius ætate in Francia & circumja-
centibus Regionibus, memoratu digna,
acta sunt. Initium ducebatur ab anno
917. usque ad annum 965. sed plus ad
nos non pervenit, quam commentarius
ab anno 919. ab alio usque ad annum 978.
continuatus. Frodoardus etiam carmi-
ne concinnavit vitas Sanctorum, ex qui-
bus non nullæ manu ejus scriptæ Acta
Summorum Pontificum a Gregorio II.
usque ad Leonem VII. continentes, an-
te annos non admodum multos, in lucem
editæ sunt.

§. XV.

Joannes XIII. restitutus.

Supl. Reg.
956. Otto Imperator anno nongentesimo se-
xagesimo sexto in autumno in Ita-
liam profectus Sigulfum Episcopum Pla-
centinum, & aliquot alios, Comites Ita-
los, qui anno superiore ab Ottone ad Ad-
alber-

albertum defecerant, captivos misit in Germaniam. Tunc vero Romani, male sibi conscii, & comperto Imperatoris adventu pavidi, Joannem XIII. Papam in Urbem revocant, & delicti veniam, ubi Imperator Romam intravit, supplices rogant. Ipse Natali Domini Romæ celebrato, duodecim Tribunorum præcipuos, quibus potissimum auctoribus Papa expulsus fuerat, suspendio necat, perduellium ducem Petrum Urbis præfectum Papæ tradit, qui, capillis equo Constantini alligatum, abrafo mento, populo spectaculum dedit. (*) Nudatus deinde & asello conversa ad caudam facie impositus per ludibrium circumducitur. Ex aselli collo tintinnabulum unum, & duo

Sæculum X.
A. C. 966.

(*) Hic iterum videmus, Romæ vitæ necisque arbitrium penes Imperatorem fuisse. Maximo certe rigore in seditiosos usus est Otto Imperator; sed hanc fortunam inexpugnabilis Romanorum obstinatio merebatur, quibus non prius quieta tempora obtigerunt, quam duras cervices lenissimo Summorum Pontificum jugo ultimis tandem Sæculis in perpetuum submisissent. Satis acerbe etiam Joannes XIII. injuriam ultus est, cum Jurisdictionis partem Imperator Pontifici exercendam reliquit. Unde illa ætate de potestate civili Romæ illud Poetæ ferme repeti poterat: *Divisum Imperium cum Jove Petrus habet.*

Sæculum X. duo alia e coxis insidentis utrinque pen-
 A.C. 967. debant, qui in capite etiam tertium ge-
 MS. ap. stabat. In isto habitu virgis quoque ca-
 Bar. & Pa- debatur, & mille conviciis proscindeba-
 pebr. tur. Tum conjicitur in carcerem, in
 quo postquam diu fuisset, ultra montes
 e patria relegatur. Jubente Imperato-
 re osia Comitis Rosfredi, qui in Papam
 manus injecerat, & Stephani Vestiaro
 præpositi, effossa sunt.

§. XVI.

Concilium Ravennatense.

to. 9. Conc.
 p. 674.

† seu Ge-
 roldi.

His peractis Otto Imperator cum Pon-
 tifice Ravennam se confert, ibique,
 Festis Paschalibus anno nongentesimo
 sexagesimo septimo celebratis, Conci-
 lium in Ecclesia S. Severi convocat, cui
 complures Episcopi Italiae, Germaniae &
 Galliae interfuere. In eo multa ad utili-
 tatem Ecclesiae statuta. Imperator Pa-
 pæ Ravennam, hujusque civitatis Ditio-
 nes reddidit, vel potius Restitutionem
 prius factam confirmavit. Duo hujus
 Concilii ad nos pervenerunt Decreta;
 primum ad Depositionem Heroldi † Ar-
 chiepiscopi Salisburgensis pertinet, qui
 oculis ob patrata crimina privatus fue-
 rat; quippe accusabatur, quod Ecclesiis
 spoliatis earum thesauros Gentilibus
 tradidisset, quibuscum in Christianorum
 necem & agendas prædas conspirasset;
 &